



KOMUNIKADO PA PRENSA

Fecha

21 di yüli 2016

Accountmanager di Komunikashon

Jhanirha Da Costa Gomez

Email

jhanirha.anita@gobiernu.cw

Akseso na playanan den área na kosta di Boca Simon ta liber atrobe!

Willemstad – Pueblo di Kòrsou tin akseso liber atrobe na e playanan den e área di kosta di Boca Simon den bisindario di Baoase. Minister Camelia-Romer i Domeinbeheer a yega na un solushon temporal ku ta garantisá akseso liber pa pueblo di Kòrsou na e playanan menshoná. Den esaki a tene cuenta ku aspektonan di seguridat di habitantenan di e barío i tambe turistanan ku ta hospedando na Baoase. Mientrastantu Domeinbeheer en koperashon ku Ministerio di Hustisia lo sigui traha pa yega na un solushon permanente.

Siman pasá habitantenan den e área menshoná a bati alarma na momentu ku nan a tuma nota ku a stroba akseso liber di públiko pa e kosta i playa, miéntas ku esaki ta un área di rekreashon. A blòkiá e pasashi pa yega playa sin outorisashon di Domeinbeheer.

Minister Camelia Romer i Domeinbeheer a aktua di forma firme pa yega bèk na akseso liber. Pa hasié kla pa públiko i tur envolví, Domeinbeheer a pone bòrchinan ku ta indiká ku un i tur tin akseso liber.